


Aqoonso  
rabshadaha.  
Raadso  
caawimaad.

Í  
ó  
ó  
j



U istaagida  
tacadiyada  
ka dhanka ah  
haweenka iyo  
gabdhaha

# NUXURKA



<b>HORDHAC</b>	<b>5</b>
<b>AQOONSO RABSHADAHА, HEL CAAWIMAAD</b>	<b>6</b>
<b>WAA MAXAY RABSHAD?</b>	<b>8</b>
<b>TANI WAA MEESHA AAD KA HELI KARTO CAAWIMAAD</b>	<b>24</b>
Khadka caawinta haweenka ee rabshadaha/adeegga xaaladaha degdegga ee 24-saac ah ee loogu talagalay haweenka	25
Booliska	26
Xarumaha ka hortagga rabshadaha	28
Hoyga haweenka	30
Caawimaad onlayn ah	32
<b>MACLUUMAADKA SHARCIGA</b>	<b>34</b>

Xarunta  
Haweenka

# FRAUENZENTRUM

Adeegyada la-talinta  
shakhsí ahaaneed iyo  
is-dhexgalka ee loogu  
talagalay haweenka  
soogalootiga ah.

Saacadaha la-talinta,  
siminaarada iyo doodaha ku  
saabsan mawduucyada sida  
shaqada iyo waxbarashada,  
koorsooyinka luqadda  
Jarmalka, caafimaadka,  
qoyska, ka hortagga  
rabshadaha iyo aayo-ka-  
tashiga. Adeegyadu waa  
lacag la'aan.

**ÖIF-FRAUENZENTRUM**  
📍 Landstraßer Hauptstraße 26  
1030 Wien  
📞 01 715 10 51 113  
✉️ frauen@integrationsfonds.at

Adeegyo gaar ah oo loogu  
talagalay haweenka ayaa laga  
heli karaa dhamaan Xarumta  
Isdhexgalka ee ÖIF.



[integrationsfonds.at/frauen](http://integrationsfonds.at/frauen)

Rabshadaha waxay saamayaan haween  
iyo gabdho badan iyadoon loo eegayn  
asalkooda, dabaqadda bulshada ama diinta.  
Waxay ku reebaysaa raad maskaxeed iyo  
mid jireed taas oo dadka ay saamaysay  
rabshaduhu ay inta badan la dhibtoodaan  
inta ka dhiman noloshooda. Buug-yaraahan  
waxaa loogu talagalay in uu gargaar u noqdo  
dhammaan haweenka la soo kulmay ama la  
kulma rabshad/gacan-ka-hadal.

Naag ahaan, waxaad xaq u leedahay inaad  
hesho nolal aad adiga raadsatay oo ka  
madax bannaan rabshado. Kaligaa ma tihid  
Awstaria, waxaad heli kartaa caawimaad.  
Hay'ado badan oo la-talin bixiya ayaa diyaar  
u ah inay ku siiyaan taageerada aad u baahan  
tahay.

Waa muhiim in dhammaanteen aan u ista-  
agno xadgudubka ka dhanka ah haweenka  
iyo gabdhaha.

## Susanne Raab

Wasiirka Federaalka ee Haweenka, Qoyska,  
Isdhexgalka iyo Warbaahinta

## Franz Wolf

Agaasimaha  
Hay'adda Deeqada Isdhexgalka Awstiriya

# AQOONSO RABSHADAHA, RAADSO CAAWIMAAD


Xadgudubyada ka dhanka ah haweenka iyo gabdhaha waxay yeelan karaan qaabab badan. Buug-yarahaan wuxuu diiradda saarayaan rabshadaha jireed, maskaxeed, dhaqaale, galmo iyo kuwa dhaqanka.

Haweenka waxaa saameeya noocyoo badan oo rabshado ah. Xaalado badan, haweenka ay saameynta soo gaartay kuma dhiiradaan inay ka hadlaan.



Dumarku inta badan xitaa ma ogaadaan inay la kulmeen rabshad. Rabshadu maaha xaalad la aqbali karo.

Buug-yarahaan waxa uu bixinayaa tusaalooyin kala duwan oo rabshado ah wuxuuna meelo ay la xiriiri karaan siinayaa haweenka ay saamayn ka soo gaartay rabshado oo ku sugan Awstariya oo dhan. Tani waa muhiim: Ka hadal, oo hel caawimaad!



# WAA MAXAY RABSHAD?

*Waa maxay rabshadaha  
jireed?*



Qof ayaa si ula kac ah u waxyeeleeya jirka qof kale. Rabshadani waxaa lagu samayn karaa ficillo ay ka mid yihiiin:

- garaacid ama haraati
- ceejin, timaha ka jeedis

Mararka qaarkood waxaa laga yaabaa inuu qofku shay isticmaalo si uu rabshad u geysto.

Dhibanayaasha rabshadaha jireed waxay inta badan muujiyaan calaamado muujinaya in dhib loo geystay:

- nabarro ama indho madow
- xogmo, maqaarka oo wax gaara ama jeexma
- gubniin

*"Marka saaxiibkay uu xanaaqo,  
wuxuu iga jiidaa timaha ama nabar  
iga gaarsiyyaa  
cududdeyda."*

*"Ninkaygu wuu i garaacaa.  
Waan ka baqayaa isaga."*



*"Lammaankayga ayaa i waxyeeleeyaa.  
Wuu i laadaa wax ayuuna igu dhuftaa.  
Maxaa samayn karaa?"*



**Rabshadaha jireed  
marnaba lama aqbali karo!**

Awstaria, waxyeelada jirka waa dembi. Kaligaa ma tihid Raadso caawimaad - eeg bogga 24 si aad u hesho meelo aad la xiriiri karto.

## *Waa maxay rabshadda maskaxeed?*

Rabshadaha maskaxdu waxay ka dhigan tahay in qofka si ula kac ah uu qof kale ugu dhaawaco hadal ahaan ama qaab uu ula dhaqmayo.

Tusaale ahaan:

- canaanasho, cay, bahdilid
- rikaatayn, cadaadin, hanjabaad
- xakamayn, daba-gal, la socosho
- xiritaan, ka mamnuucista in wax xiriir ah uu qofku sameeyo, ka qaadista taleefanka gacanta ee qofka

Badanaa way dhib badnaan kartaa in la garto rabshadaha maskaxeed marka loo barbardhigo rabshadaha jireed. Qofka kuma reebto raad muuqda oo bannaanka ah.

Natiijoooyinkeeda waxay noqon karaan:

- murugo, niyad-jab
- isku kalsooni hooseysa
- dhibaatooyinka xagga hurdada ah
- ceeb dareemis, cabsi


*"Ninkaygu wuu i canaantaa  
wuuna i caayaa. Wuxuu i  
dhahaa waad fool xunahay  
waxaadna tahay doqon."*

*"Saaxiibkayga wuu i xakameeyaa.  
Wuu maseyraa mana rabo inaan rag  
kale la hadlo. Wuxaan dareemayaan  
inaan meel ku xayiranahay."*

*"La iima ogola inaan ka  
baxo guriga keligey. Ma haysto  
eleefan, la iimana oggola inaan la  
xiriiro saaxiibaday."*

## **Rabshadaha maskaxeed marnaba lama aqbali karo!**

Qofna looma ogola inuu qof kale canaanto, caayo ama xakameeyo. Raadso caawimaad - eeg bogga 24 si aad u hesho meelo aad la xiriiri karto.




## *Waa maxay xadgudubka galmo?*

Galmada waa in kaliya ku lug yeelato waxa ay qollooyinka galmada sameeynaya ay ku heshiiyaan. Wixii "maya" la yiraahdo waa in had iyo jeer la qadariyo. Galmada waa inaysan ku dhicin cadaadis, qasab ama xoog. Qof kasta oo ku lug leh waa inuu raali ka yahay. Haddii kale waa xadgudub galmo.

Arrintani waxay ku lug yeelan kartaa waxyaabo ay ka mid yihiin:

- in lagu taabto adiga aanad doonayn in lagu taabto
- handadaad (qaylo yesid ah, kaftan aan habboonayn ama sawiro)
- kufsi (dhammaan xaaladaha qofka lagu qasbay inuu galmo sameeyo, oo ay ku jirto lammaanayaasha)

Dhibbanayaal badan ayaa dareema xishood mana rabaan inay ka hadlaan. Laakiin waa muhiim in aad kala hadasho qof. Tani ma aha qaladkaaga. Dembiilayaasha ayaa khaladka leh, had iyo jeer.



"Qof aan is-naqaano ayaa in badan taabta jirkayga. Wuxuu igala hadlaa wax ku saabsan galmada. Laakiin arrintaan waxaan u arkaa mid aan ku qancin mana rabo."

"Ma doonayo caruur kale. Laakiin ninkeyga wuxuu igu khasbaa galmo aan difaac lahayn. Wuxuu igu dhahaa in ay tahay waajib saaran naagta."

"Ninkaygu wuxuu igu qasbaa inaan galmo la sameeyo. Laakiin ma rabo. Wuu i waxyeleeyaa."

## **Xadgudubka galmo marnaba lama aqbali karo!**

Waa muhiim inaad qof la hadasho. Kaligaa ma tihid Raadso caawimaad - eeg bogga 24 si aad u hesho meelo aad la xiriiri karto.

## *Waa maxay rabshad dhaqaale?*



Rabshadaha dhaqaale waxaa loo isticmaalaa in qof loogu xoog sheegto, cadaadisna lagu saaro. Waxaa jira noocyoo kala duwan:

- **Naagtū waxay shaqaysataa lacagteeda.** Ninkeeda ayaa ku qasbaya inay siiso dhammaan dakhligeeda ama wuxuu ka mamnuucayaa inay furato akook bangi oo iyada u khaas ah.
- Ninka ayaa ka mamnuuca xaaskiisa inay shaqeysyo oo ay shaqeysato lacag iyada u gaar ah.
- Ninka inuu leeyahay dakhli naagtiisuna aysan waxba haysan. Wuxuu siiyaa lacag yar oo ay guriga ku maamusho, iyo lacag yar oo ay ku maareyso carruurta.

Haddii labada lammaane ay haystaan dakhli, labaduba waa inay iska kaashadaan kharashyada qoyska. Guurka wada joogista ah, xuquuqda, waajibaadka iyo mas'uuliyadda waa in si cadaalad ah loo qaybsadaa.

*"La iima ogola inaan isticmaalo lacagtayda. Qoyskaygu oggola arrintaan. La iima ogola inaan furto akoon bangi oo ii gaar ah."*



*"Waxaan rabaa inaan ka tago ninkeyga. Laakiin wuxuu ii sheegaa inaan haysan wax lacag ah oo aanan isku filnaan doonin."*

*"Saaxiibkay iima ogola inaan iibsado dhar. Wuxuu ii sheegaa inay tahay lacagiisa maadaama uu isaga shaqeysto."*



## **Rabshadaha dhaqaale marnaba lama aqbali karo!**

Lammaanahaagu xaq uma laha inuu waxba kaa mamnuuco. Raadso caawimaad - eeg bogga 24 si aad u hesho meelo aad la xiriiri karto.



***Waa maxay  
rabshadaha dhaqanka?***

Rabshadaha dhaqanka waxay yeelan karaan qaabab badan. Dhammaantood waxay la xiriiraan fikradda "caadada/dhaqanka". Dhibanayaasha "caadadaan" waxaa u badan haweenka.

Xadgudubka dhaqameed waxaa ka mid ah:

- rabshadaha la xiriira difaacida sharafta
- guur qasab ah
- gudniinka taranka (FGM/C)



***Waa maxay  
rabshad Loo sameeynayo  
ilaalinta "sharafta"?***




Awstiriya gudaheeda, haweeneydu waxay u noolaan kartaa si kasto ay jeceshahay.

Ragga ama qoysaska qaarkood waxay aaminsan yihiin in sharaftoodu ay ku xiran tahay hab-dhaqanka "saxda" ee gabdhahooda ama naagtooda. Dumarka looma ogola inay go'aanadooda gaaraan. Qoysasku waxay inta badan cadaadis saaraan haweenka. Qaar baa xataa u hanjaba, rikaateeyaa, ama dila haweenka.

***Waa maxay  
guurka khasabka ah?***



Nin ama qoys ayaa ku qasbaya gabar inay guursato nin. Haddii aysan rabin, way u hanjabaan, rabshad ayay kula kacaan ama xataa dibadda ayay u afduubaan (afduub). Badanaa, guurka qasabka ah wuxuu sidoo kale ku lug leeyahay noocyo kale oo rabshado ah (maskaxeed, jireed, rabshad galmo). Marka la joogo Austriya, guurka qasabka ah waa mamnuuc waxaana lagu mutaysan karaa ciqaab sharchiyeed.



***Waa maxay  
gudniinka fircooniga ah ee  
dumarka?***



Inta lagu jiro gudniinka fircooniga ah ee dumarka (FGM/C), qayb ka mid ah ama dhammaan xubnaha galmada ee gabadha ayaa la gooyaa.

Inta badan waxaa la sheegaa in gudniinka xubinta taranka uu qeyb ka yahay dhaqanka iyo hiddaha. Si kastaba ha ahaatee, gudniinka xubinta taranka ma aha dhaqan balse waa dhaawac halis ah oo jirka la gaarsiinayo waana sharci darro marka la joogo gudaha Awstariya. Sidoo kale waa sharci-darro in ilmaha gudniinka xubinta taranka looga qabanqaabiyo dibadda. Naafaynta xubinta taranka waxa ay dhaawacdaa jirka iyo ruuxda. Dumarku waxay inta badan la dhibtoodaan inta ka dhiman noloshooda. Cawaaqibta ka dhalan karta waxaa ka mid ah:

- (nafta halis geliya) caabuq sababa
- xanuun la dareemo xiliga galmada
- dhalmo la'aan sababa
- khatar ku ah nolosha hooyada iyo ilmaha marka ay dhalayso



*"Waalidkeygu iima ogola  
inaan will la saaxiibo. Waxay  
dhahaan in taasi ay dhaawaceysyo  
sharaftayada."*



*"Waxaan jiraa 18 sano  
waxaana rabaa inaan jaamacad galo.  
Laakin waalidkay waxa ay rabaan  
in aan guursado shisheeye Anigu  
ma aqaano ninka waanan ka  
cabsanayaa."*



*"Tan iyo markii la igu  
sameeyey gudniinka fircooniiga ah  
waxaan dareemaa xanuun markaan  
kaadinayo. Maxaa samayn  
karaa?"*



*"Waxaan soo maray gudniinka  
xubinta taranka markaan carruur ahaa.  
Ninkaygu wuxuu sidoo kale rabaa in sidaas  
lagu sameeyo gabdhaheena.  
Laakiin ma rabo in taasi ay dhacdo.  
Maxaa samayn karaa?"*



*"Waxaan leeyahay uur waxaana  
i saameeyay gudniinka Fircooniiga ah.  
Waxaan ka baqayaa inaan dhalo. Ma u  
baahnaan doonaa qallin si aan u dhalo?  
Halkee ayaan ka heli karaa  
macluumaadk."*

## Rabshadaha dhaqanka marnaba lama aqbali karo!

Marka la joogo Awstiriya, haweenku waxay go'aan ka gaari karaan waxbarashada ama xirfadda ay rabaan inay yeeshaan ama cidda ay rabaan inay guursadaan. Gudniinka Fircooniiga ah (FGM/C) iyo guurka khasabka ah halkan waa ka mamnuuc. Raadso caawimaad - eeg bogga 24 si aad u hesho meelo aad la xiriiri karto.

*"Ninkayga  
si fiican ilama dhaqmo. Laakiin ma  
doonayo inaan isaga tago, sababtoo  
ah waxaan ka baqayaa inuu  
carruurtayda iga qaado."*



*"Kuma faraxsani guurkayga.  
La iima ogola inaan bannaanka u baxo  
oo ninkeyga ayaa i maamula. Waxaan ka  
baqayaa in la i masaafuriyo. Taasi waa  
sababta aan uga tagi karin."*



*"Luuqaddayda jarmalka  
ma fiicna shaqana ma haysto.  
Ninkaygu wuu i garaacaa. Laakiin ma  
rabo inaan kala tagno. Sideen  
u noolaan karaa keligay?"*



*"Qoyskaygu ma rabaan inaan  
galo kooso aan ku horumarinayo  
luuqaddayda Jarmalka. Waxaa la iigaga  
baahan yahay inaan guriiga joogo  
oo aan carruurta ilaaliyo."*



*"Waxaan ka baqayaa ninkeyga. Halkee  
ayaan aadi karaa haddaan kala tagno?  
Ma rabo inaan noqdo guri la'aan."*



*"Waxaan ka baqayaa in  
la i masaafuriyo. Haddii aan dib ugu  
laabto, waxay igu qasbi doonaan in la igu  
sameeyo gudniinka xubinta taranka.  
Gudniinka fircooniiga ah halkaas  
wuxuu ka yahay dhaqan.  
Maxaa samayn karaa?"*



## Rabshad/ku xadgudub marnaba lama aqbali karo!

Kaligaa ma tihid Ka hadal welwelkaaga iyo cabsidaada. Dhiirranow oo la xiriir hay'adaha, maamulka ama ururada la-talinta. Waa ad leedahay xuquuq waxaanad heli kartaa caawimaad.

Bogagga soo socda, waxaad ka heli kartaa ururada iyo dadka ku caawin kara.

# TANI WAA MEESHA AAD KA HELI KARTO CAAWIMAAD

## Caawimaad taleefanka lagu bixiyo

Haddii ay ku saamayso rabshad, waxaad la xiriiri kartaa khadka caawinta dumarka ee ka hortagga rabshadaha meel kasta oo aad ka joogto Awstariya.

Marka aad joogto gudaha Vienna waxaad sidoo kale wici kartaa adeegga xaaladaha degdega ah ee 24-saac shaqeeya ee loogu talagalay haweenka.

Waxaad ka heli kartaa talo xilli kasta, 24 saacadood maalintii.

Taladu waa qarsoodi waana bilaash. Qofna ma gudbin doono sheekadaada ama faahfaahintaada.

Markaad wacdo, waxaad la hadli doontaa khabir. Waxaad u sheegi kartaa waxa dhacay ama dhibaatooyinka aad la kulmayso.

Khadka caawinta haweenka:  
**0800/222 555**  
Adeegga xaaladaha degdega ah ee 24-saacadood ah ee loogu talagalay haweenka (Vienna kaliya):  
**01/71719**

Khabiirka ayaa isku dayi doonta inay ku caawiso. Waxay sidoo kale kuu sheegi doontaa meelaha kale ee aad ka heli karto caawimaad - iyadoo ku xiran waxaad u baahan tahay. Waaqaddaada Jarmalka aanu aad u fiicneyn, waxaad sidoo kale talo ku heli kartaa luqado kale:

**Adeegga xaaladaha degdega ah ee 24-saacadood ah oo loogu talagalay haweenka (Vienna kaliya):** iyo kuwa kale, Bosnian/Croatian/Serbiyaan, Ingiriis, Farsi, Polish, Isbaanish

**Khadka caawinta ee loogu talagalay dumarka:** iyo kuwa kale, Bosnian/Croatian/Serbiyaan, Ingiriis, Farsi, Polish, Isbaanish

## Haddii ay tahay xaalad degdeg ah: Wac booliska!

Marka la joogo Awstiriya, dhammaan noocyada rabshadaha waa mamnuuc. Waxaad u dacwoon kartaa booliska haddii laguu geysto rabshad.



Haddii aad khatar ku jirto, boolisku waxa ay goobta ama qofka khatarta ku gelinaya u soo saari karaan amar xannibaad.

› **Amarka xannibaadda ee dhismooyinka:**  
Lammaanahaagu hadda ma soo geli karo aqalka ama guriga.

› **Amarka xannibaadda ee dadka:**  
Lamaanahaagu waa inuusan kuu soo dhowaan wax ka yar 100 mitir.

Haddii loo baahdo, boolisku wuxuu sidoo kale soo xiri karaa lammaanahaaga.

Lambarka  
Booliska  
ee xaaladda  
degdegga ah:  
**133**

Lambarka xaalada-  
ha degdega ah ee  
**Yurub oo dhan laga**  
isticmaalo:  
**112**

Markii aad ku jirto  
xaalad degdeg ah,  
waa inaad:

Qaadataa  
taleefankaaga gacanta.

Aadaa meel nabdoon. Tusaale ahaan, qol aad xiri karto. Ama aad ka tagtaa aqalka.

Wac lambarka xaaladaha degdega ah ee booliska (133) ama lambarka xaaladaha degdega ah ee Yurub oo dhan laga isticmaalo (112).

Marka hore sheeg meeshaad joogto.  
Kadibna sheeg waxa dhacay. Ugu dambeyntii faahfaahintaada bixi.

Boolisku ayaa kuu iman doonaan kuuna caawin doonaan sida ugu dhakhsaha badan ee suurtogalka ah!

# Xarumaha ka hortagga rabshadaha

Ma rabshad baa ku saamaysay?  
Xarumaha ka hortagga rabshadaha waxay  
ku siinayaan caawimaad iyo taageero.



Haddii aad ku jirto khatar degdeg ah,  
wac booliska. Boolisku ayaa sidoo kale  
ku wargelin karaan xarunta kahortagga  
rabshadaha.

Gobol kasta oo Awstiriya ku yaala waxaa  
ku yaala xarun looga hortaggo rabshadaha.  
Marka la joogo Vienna, xarumahaas waxaa  
loogu yeeraa hay'adaha faragelinta/  
waxqabadka.

Caawimaada waxaa lagu bixiyaa lacag  
la'aan iyo si qarsoodi ah marka la codsado.

Qof kasta ayaa la xiriiri kara xarumaha  
ka hortagga rabshadaha. Dhib ma laha  
meesha aad ka timid, jinsigaagu waxa uu  
yahay ama inta ay da'daadu tahay.

La-taliyayaasha xarunta ka-hortagga  
rabshadaha waxay kaa caawin karaan  
xaaladaha degdeggaa ah waxayna sugi  
doonaan badbaadadaada. La-taliyayaasha  
sharciga ayaa ku siin kara macluumaa  
muhiim ah.

Sheekadaada qofna loo sheegi maayo.  
Xarumaha ka hortagga rabshadaha ma  
gudbin doonaan macluumaa kaaga ama  
xogtaada.

Xarumaha ka hortagga rabshadaha waxay  
sidoo kale talooyin ku bixiyaan luqado kale.

Halkani waa meesha aad ka heli  
karto xiriirada gobolkaaga:  
[www.gewaltschutzzentrum.at](http://www.gewaltschutzzentrum.at)



# Hoyga haweenka

Xarumaha hoyga haweenku waxay ku siin karaan ilaalil iyo la-talin.

Waxaa dhammaan gobollada wadanka oo dhan ku yaala hoy loogu talagalay haweenka.

Goorma ayaan u guuri karaa hoyga haweenka?

Waxaad u guuri kartaa hoyga haweenka haddii aad ka weyn tahay 18 sano jir, aad la dhibtoonaysa rabshad ama aad raadinaysa in lagaa ilaaliyo rabshado.

Ma keeni karaa carruurtayda?

Dabcan waad soo kax-aysan kartaa carruurtaada. Hoyga haweenka waxaa jooga shaqaalada xannaanada carruurta ee tababbaran.

Xagee ku yaalaa hoyga haweenka ee ugu dhow?

Iskaan gareey koodhyadan QR-ka ah:



AÖF: ZÖF:

Lacag ma ku baxdaa in loo guuro hoyga haweenka?

Haddii aad leedahay dakhli, waxaad bixin doontaa wax yar. Haddii aanad haysan wax dakhli ah, waxaad ku joogi kartaa lacag la'aan.

Maxaa ka dhacaya hoyga haweenka?

Waxaa lagu siin doonaa qol iyo ilaalil. Waxaad xaaladaada kala hadli kartaa lataliyahaaga.

Maxaan sameeyaa haddii dugsiga carruurtayda uu fog yahay?

La-taliyayaasha ayaa ku caawin kara waxayna isku dayi karaan inay xal u helaan arrintaas.

Intee in le'eg ayaan joogi karaa?

Taasi waxay ku xiran tahay nooca ilaalinta ee aad u baahan tahay. Qaar waxay joogaan dhawr maalmood, qaarna sannad.

Maxaa dhacaya haddii aan rabo inaan ku laabto ninkeyga?

Taasi waa go'aankaaga. Haddii aad u baahato caawimaad marlabaad, waxaad la soo xiriiri kartaa hoyga haweenka.

# Caawimaad onlayn ah

## Cinwaanada

Waxaad xiriirada gobolkaaga ka heli kartaa [www.bundeskanzleramt.gv.at/frauenserviceportal](http://www.bundeskanzleramt.gv.at/frauenserviceportal)

Sidoo kale waxaad ku geli kartaa bogga QR koodhka ku yaala dhanka midig:



## Sheekaysi



Ma ku jirtaa xaalad degdeg ah? Wax su'aalo ah ma qabtaa? Ma rabtaa inaad qof la hadasho? Websaydhka [www.haltdergewalt.at](http://www.haltdergewalt.at), waxaad si qarsoodi ah ula hadli kartaa khubaro.


Luuqadaha diyaar u ah in lagu sheekeysto:  
Jarmal, Carabi, Boosniyan/Kraatiyan/  
Serbiyaan, Ingiriis, Dari/Farsi, Faransiis,  
Talyaani, Polish, Ruush, Soomaali, Isbaanish  
iyo Turki.



## Signaale bixi si aad u hesho caawimaad

Ma rabshad baa ku saamaysay?

Adiga oo isticmaalaya astaanta gacanta "Signalka Caawimaadda" waxaad tusi kartaa dadka kale inaad u baahan tahay caawimaad, adigoo oran kelmad. Suulkaaga ku laab calaacasha gacantaada Dabadeedna farahaaga soo laab oo dulsaar suulkaaga.



# MACLUUMAADKA SHARCIGA AH

## Cinwaanka milkiilaha warbaahinta, daabacaha iyo tifaftirka:

Hay'adda Deeqda Isdhexgalka Awstiriya (ÖIF) - Deeq loogu talagalay Isdhexgalka Qaxoot-iga iyo Soogalootiga S Schlachthausgasse 30, 1030 Vienna  
T +43(0)1/710 12 03-0, E office@integrationsfonds.at  
Goobta daabacaada iyo soo-saarista: Schlachthausgasse 30, 1030 Vienna

## Tafatirayaasha:

Yvonne Brandstetter, ÖIF

Sophia Gummerer, ÖIF

Christine Sicher, ÖIF

**Sawirada iyo muuqaalada:** Annett Stolarski, B.A.C.K. Grafik- und Multimedia GmbH

**Daabacadda:** Gerin Druck GmbH

**Hawlgalayaasha iskaashiga:** FEM Süd, Austrian Red Cross

## Shaac-ka-qaadis sida ku cad Qeypta. 25 ee Sharciga Warbaahinta Awstiriya (MedienG):

Dhammaan macluumaadka ku saabsan milkiilayaasha warbaahinta iyo tilmaan-bixinta aasaasiga ah ee warbaahintaan waxaa laga heli karaa [www.integrationsfonds.at/impressum](http://www.integrationsfonds.at/impressum).

## Afeef:

Macluumaadka ku jira war-baahintan waa la baaray oo waxaa loo soo saaray si taxadar leh. Wax mas'uuliydah oo la aqbalii karo lagama qaadayo saxnaanta, dhammaystirnaanta ama ansaxnimada macluumaadka ku jira halkaan. Hay'adda Deeqda Isdhexgalka Awstiriya iyo qollooyinka kale ee ku lug leh soo saarista warbaahintan midkoodna mas'uul kama aha nooc kastoo khasaaro oo ka dhasha isticmaalka, dhaqangelinta iyo dib u daabicida waxa ku jira warbaahintan. Maadaama ay warbaahanttan ay ku jiraan xiriirada/tixraacyada warbaahinada kale ee qollooyin saddexaad ah kuwaas oo Hay'adda Deeqda Isdhexgalka Awstiriya aysan saameyn ku lahayn, wax mas'uuliydah kama qaadayno macluumaadka ku jira warbaahintan. Milkiilaha warbaahinta ayaa mas'uul ka ah saxnaanta macluumaadka ku jira warbaahinta qollooyinka saddexaad. Wax ku biirinta daabacaadan waxay ka tarjumaysaa fikradaha iyo aragtida qorayaasha oo qasab mahaan inay matalayaan fikradaha, gaar ahaan fikradaha siyaasadeed, ee daabacayaasha, Hay'adda Hay'adda Deeqda Isdhexgalka Awstiriya ama Wasaaradda Federaalka ee Haweenka iyo Isdhexgalka ee Dhismaha Dawladda.

## Xuquuqda daabacaada:

Dhammaan macluumaadka ku jira warbaahintan waxa ilaalinyaa xuquuqda daabacaada. Wax nuqlu ka bixin ah, habayn, qaybin iyo sahmin ah, ha ahaato farsamo ahaan mid suurtgal ah hadda ama mustaqbalka oo keliya, iyo haddii ay bilaash tahay ama lacag lagu bixinayo, waa mamnuuc iyada oo aan oggolaansho qoraal ah laga helin haystaha xuquuqda daabacaada.

*Khadka caawinta haweenka:*  
**0800 / 222 555**

*Adeegga xaaladaha  
degdega ah ee  
24-saacadoo ah ee loogu  
talagalay haweenka  
(Vienna kaliya):  
**01 / 71719***

Lambarka  
Booliska  
ee xaaladda  
degdega ah:

**133**

Lambarka xaaladaha  
degdega ah ee Yurub  
oo dhan laga isticmaalo:

**112**